

Annwyl Bawb

**E-FWLETIN 30 – 13 AWST 2009**

Tawel yw hi yma yn ystod mis Awst ond mae yna rai pethau ymlaen. Nodir manylion y rheiny isod, gan gynnwys rhaghysbys ar gyfer rhai digwyddiadau y mae Morlan yn eu trefnu ym mis Medi.

**DAWNS TE**

**2.00-4.00, dydd Sadwrn, 15 Awst**

Trefnwyd gan Ymgyrch Ymchwil i Arthritis i ddathlu 40 mlynedd sefydlu cangen Aberystwyth o'r mudiad. Pris mynediad yw £3.

**SESIYNAU GALW I MEWN AR GYFER DARPAR WIRFODDOLWYR**

**10.00-4.00, dydd Iau, 27 Awst**

CAVO sy'n trefnu'r sesiynau hyn ar gyfer pobl sy'n chwilio am gyfleoedd gwirfoddoli neu fudiadau sy'n defnyddio gwirfoddolwyr ac angen help recriwtio gwirfoddolwyr. Byddant yn cael eu cynnal yma ddwywaith y mis tan ddiwedd y flwyddyn.

**BYW AR Y TIR**

Noder: mae'r arddangosfa ddwyieithog hon sy'n rhoi golwg ar hanes ffermio wedi'i gohirio tan fis Ionawr 2010.

**THE DAY AFTER PEACE**

**7.00, nos Iau, 17 Medi**

Ffilm ddogfen yw hon sy'n cronico ymdrechion y gwneuthurwr ffilmiau Jeremy Gilley dros gyfnod o 10 mlynedd i sefydlu Diwrnod Heddwch ar 21 Medi. Trefnir y noson ar y cyd gan Morlan, Côr Gobaith (côr heddwch lleol) a'r gangen leol o Amnest Rhyngwladol. Mynediad trwy gyfraniad, elw at [Peace One Day](#).

**CYNGERDD CÔR GOBAITH**

**7.00, nos Lun, 21 Medi**

Noson o gân i nodi Diwrnod Heddwch Rhyngwladol. Bydd Côr Gobaith yn canu caneuon i gyd-fynd â'r ffilm *The Day after Peace*. Bydd stondinau gan amryw o fudiadau yno a bydd lluniaeth ysgafn ar gael. Trefnir y noson ar y cyd gan Morlan, Côr Gobaith a'r gangen leol o Amnest Rhyngwladol. Mynediad trwy gyfraniad, elw at [Amnest Rhyngwladol](#) a [Médecins Sans Frontières](#).

Cofion gorau

*Carol Jenkins*

Rheolwr